

山左金石志

山左金石志卷第二十一

岳陽縣志卷之二十一 都御史總督湖北湖廣總督地方軍務兼理糧餉前山東巡撫加三級奉
內閣學士禮部郎中黃芳是 齊國府府事提督汪奎鳳 前山東學政加三級阮元

同撰

金石

徐鐸岱頂題名

大定二十六年三月刻正書崖高二尺廣一尺六寸在泰
安縣岱頂唐泰山銘東側

右題石城徐鐸被符度脩諸祠工費因口絕頂周覽而還
大定丙午三月十七日全遊蒲陰趙七斤男鄭和尙侍凡
五行字體大小不等

周林仰天山題名

大定二十七年五月刻正書崖高二尺一寸廣一尺一寸

在臨朐縣仰天山羅漢洞

右題益都口村口周林來仰天山口道公長老和尚口
碑五月初一日畢口大定二十七年五月初一日記
凡五行字體大小不等

玉皇觀碑

大定二十七年立正書篆額碑高六尺廣二尺五寸在鄒
縣紀王庄

右碑額題滕州鄒縣紀城玉皇觀記五行字徑二寸五分
上層刻大定二十年公據文下層刻玉皇觀記十九行字
徑八分此碑未見拓本朱朗齋自他處錄寄

才公禪師塔銘

大定二十七年十一月立正書篆額碑高四尺廣二尺八

寸在長清縣靈岩寺

右碑額題才公禪師塔銘六字橫列字徑三寸五分文二十九行字徑八分

劉氏祖塋寒食享祀序跋碑

大定二十八年七月立正書碑高五尺五寸廣二尺四寸在掖縣城東武官莊西

案縣志云劉長生祖塋華表碑記俱存殆卽謂此今據此碑前刻大定丁未年張暈題劉氏祖塋寒食享祀序跋後刻長生子八難行末題大定戊申年明威將軍蒲察古口立八難石施財前後文凡十八行字徑一寸二分蓋此碑本爲長生八難行而立特讓前列以刻張暈題跋所以述其先世德行也

劉長生大基山詩刻

大定二十九年三月刻正書崖高三尺一寸五分廣五尺三寸在掖縣大基山

長生劉處元同范公德裕留題

閒來慧目視靈峯冷笑人間萬事空昔日文公忘世貴如今德裕悟真雄丹成跨鶴青霄裏行就携雲碧落中譚馬邱劉歸去後大羅朝聖謁仙宮

大定二十九年季春中旬後記

右詩刻十二行字徑四寸

劉長生靈虛宮倡和詩刻

大定二十九年四月刻書體詳後石高五尺六寸廣一尺八寸在掖縣

上李本魯驃騎節使長生劉處元題

離城甲丙藕花鄉池畔初喧臺榭涼一郡歡遊垂柳岸萬華春
賞杏花崗依山臨水亭前碧甍檜攢筠軒外光世夢不侵真得
趣欣來雲步訪蓬莊

大定己酉四月十二日

大行皇帝百日驃騎節使自出已財同郡中口首于口口劉口

真口道 佑德觀起 明真大醮以報

先皇遺恩排口精嚴靈感孚應百口散十有七日 節使隨詣

長生先生口醮衆齋於德池臨城亭閑會罷移坐縱步口池

先生題詩一章辭意清逸惲不揆繼韻 先生因書之筆力

道勁 節使命工刻之上石用傳不朽耳東牟學正范懌謹跋

碑陰

東牟學正范懌和

亭軒巧構水雲鄉吟賞風來拂袂涼眼界寬開鋪雅景地形雄
秀松高崗露濃花錦堆紅艷煙歛山屏滴翠光綠榆垂楊相掩
映路人遙指是仙莊

驃騎衛上將軍前顯德軍節度使兼瀋州管内觀察使上護軍
廣平郡開國侯食邑一千戶食實封一百戶致仕字木魯孝忠
立石

右刻劉長生七律一首行書五行徑三寸五分末有范懌
跋語正書四行徑八分陰刻范懌和詩行書五行徑三寸
五分末有字木魯孝忠立石正書一行徑一寸已酉爲世
宗二十九年世宗以是年正月崩於時孟夏尚未數元也

金史地里志瀋州後爲昭德軍置節度使此碑列銜稱顯
德軍節度使兼瀋州管內觀察使則瀋州軍額當作顯德
志作昭德誤也潞州旣名昭德軍若瀋州亦作昭德是重
名矣

王重陽掛金燈詞石刻

大定二十九年四月刻行書碑高五尺四寸廣二尺八寸
在掖縣

右刻重陽王風仙掛金燈詞一首五行字徑四寸五分劉
處元書筆最庸滯無出塵之姿後有正書跋四行字徑九
分乃寧海州學正范懌筆也末題李木魯銜名一行亦正
書徑一寸二分

李木魯驃騎節使園亭記碑

大定二十九年五月立正書碑高五尺三寸五分廣二尺八寸在掖縣

右碑凡十七行字徑一寸三分范懌撰文李含德書

保義校尉房公墓銘

大定二十九年十月刻正書石高四尺四寸廣二尺四寸在滋陽縣石馬村房氏先塋

右刻文二十五行字徑八分後列子孫名氏徑三分文辭俚鄙書多俗體末題進士闕里子乙瑭篆額子乙瑭卽孔瑭以孔字析爲二也闕里文獻攷云至聖四十九代孫瑭字德純將仕郎萊州招遠主簿而不詳其進士出身可据此碑以補之

幽棲寺重摹范公忠智碑

無年月書體詳後碑高四尺六寸廣二尺在肥城縣

右碑首刻鸛夷歌八行草書次刻像一軀內題忠以事君
智以保身千載而下誰可比倫四句右邊題范公忠智碑
一行左邊署貞觀元年四月二十刻碑爲千載弔古者憑
口一行俱正書下截前刻施羅尼咒十四行正書大小不
等後刻范公靈蹟六條十二行正書徑三分碑陰刻漢讚
越范蠡墓等字又讚語八句俱正書徑三寸案其碑製字
體或是唐人原刻朱明齋據縣志有大定元年重脩幽栖
寺語遂定此碑爲金時重刻今姑仍之俟攷

重脩炳靈王廟碑

明昌元年四月立正書篆額碑高四尺廣二尺在濟寧州
南鄉

右碑額題重脩至聖炳靈王廟記三行記及年月銜名凡
二十二行濟州進士宛州學正唐處仁撰文此碑未見拓
本自黃小松司馬處錄寄

節度副使張公神道碑

明昌二年五月立正書碑高五尺一寸廣二尺九寸在日
照縣南劉家寨張公墓上

大金故朝散大夫鎮西軍節度副使張公神道碑

并序

中

憲大夫充翰林待制同知制誥上騎都尉江夏縣開國子

食邑五百戶賜紫金魚袋黃久約撰朝列大夫應奉翰林

文字同知制誥騎都尉勃海縣開國男食邑三百戶賜紫金

魚袋高延年書奉議大夫充翰林待制同知制誥兼

同修國史上騎都尉馮翊縣開國子食邑五百戶借紫覺懷

英篆額

齊魯儒學之鄉近世東齊尤多學者至于行義修飾文章學問
可以追配古人著聞山東一時後進推尊景慕以鄉先生稱之
得一人焉故鎮西軍節度副使張公商老是已公□□商老
其字也世爲城陽人幼強學自立家貧無師閉戶獨學日誦千
餘言祁寒隆暑弗懈宋末兵革倂擾所在盜賊充物飢饉轉徙
人不聊生公挾策負書之田間躬勤耒耜日課□□暇則爲文
日富月華時罔未有知者齊國建立之六年沂州類試旁數郡
舉子亡慮數百千人公初出應試薦名第一人始大驚及得其
所試詩賦策論傳之莫不畏服且歎其晦養涵蓄極其宏大而
一發遂不可掩也其後凡四口鄉書三爲舉□遂中天德三年
甲科時行臺進士會試上京猶用舊法試策擢弟公所對嘗選

爲弟一矣西試官主意有不相合強擿其中一語誣爲疵病力沮之不能奪卒置弟二敗封之口見公姓名沮者亦自悔恨物議不平之初任徵事郎河州防禦判官改濮州軍事判官丁父憂服除再爲河州防禦判官終更調單州魯臺令又調萊州膠水令數月被選爲國史院編修官又入翰林應奉文字考滿補鎮西軍節度副使兼嵐州管内觀察副使散官由徵事郎凡十三遷至是爲朝散大夫勳騎都尉爵縣男食邑三百戶佩服金紫歲滿言還久口口宦口將掛冠邱園以遂晚年間適之樂不幸感疾歿于京師其子太常博士所居宣明巷敝舍實大定十九年九月十日也享年六十有九公未第時以詩賦教授鄉里幾二十年門人子孫相繼登科至十數其淹回塲屋以誦學問于時者尙不可勝數最後孫行簡大定十九年賜狀元及

第皆公親教之雖晚入官仕不大顯觀其門人子孫卓立成就
具效如口則公之學爲可知矣公爲人寡口而事親孝居喪如
禮是不至妻之室者三年兩任河州距鄉邑數千里惟以幼子
自從澹如獨處未嘗有旁侍人以爲難與人交久而彌篤語言
恂恂無少長皆爲盡禮至臨事挺然有守不可干以非義天資
仁愛弗忍害一生物老猶篤學手不釋卷兒時所誦終身不忘
家多藏書部裘完潔蠅頭細字往往手自抄寫觀者已倦而公
終日低頭伏紙揮翰而已或謂之曰人生當行樂何至自苦如
此笑而荅曰人各有所好吾好是在是它樂不能易也閒居議論
無一妄語至于俚俗劇談戲論與夫詞曲纖艷之作畧不掛口
處已儉約出無輿馬之飾居無器玩之好勤于吏事精確不苟
且雖州縣之閒米鹽細務皆爲之盡力而斷獄主于寬恕濟活

甚多吏民去思之自初及終無毫髮累性謙慎耻矜伐以邀聲譽初爲幕官後佐藩政長吏決事或有過舉終不公坐爲言必俟其閒隙從容就見反覆論析往往改之無難人亦莫知其嘗有言也以是多愛敬之始在河州守將武人强悍任氣輕折辱寮屬黷貨無所憚會蕃部有爭酋長者乙法當得甲富於財守受財而右甲乙旣不得直反以事播撫連繫于獄公曰吾豈畏強禦而使口寃不得信耶卽條排其口口辨正以如法人或爲懼則曰苟無愧于心雖遭橫逆所不避也守不勝其忿且疑其嘗得已陰事者明日自陳其不公十餘事口爲之少戢又有正將恃其門閥口爲不法以公儒者視之無妨或相侵侮公一不校一日部將疏其罪數十懷之求口先自將上其事意公蓄憾其人必喜聞之將有以助已也公愕然變色曰斯謀何爲至於

我哉夫人有善則揚之惡則掩之乃君子長者之用心況同僚耶再三開諭其人媿而止公之剛而不撓寬而容物有如此大定初將兵赴河隴戶部檄富受輸軍儲南京廣濟食既罷更有以例袖白金百兩爲贍者公笑曰吾豈利是哉論之使去明日復持袋舉一斤跪于馬前願致區區公不忍拒受之既開視皆錢鈔也立召其徒讓而遣之曰昨論汝而不吾信吾詭而受將誰欺乎衆始感激大服羅拜致謝而去其廉不飾僞又如此公文章溫潤峻潔似其爲人字畫道麗得蘓東坡先生遺法在史館時與修

太祖

字三

府宗實錄書成號詳畧得宜逮直詞垣

詔命口下

操筆立成傳觀坐閒咸服其精敏詞旨典雅得兩漢之風有文集十卷公平生不置產業嘗誨其子曰富人營求財利朝夕皇

臯□□□□有阡陌之得不還踵而失者有之而士能力學以致祿仕衣食自奉取給公家仰事俯育終身優裕且無農商耕穫稗販之勞所得孰爲多哉其後子孫所以掇巍科並居清選爲世所榮者孰謂非公善誨之力歟以卒之年十一月十九日歸葬於日照縣太平鄉之原先塋之次曾大父如玉故贈宣教郎大父宗愈父袞皆不仕公進階五品贈父儒林郎母霍氏清河縣太君娶劉氏清河縣君賢明令淑事舅姑盡孝事夫盡禮撫諸幼有恩愛而資沉厚喜愠不見於色先公二年亡祔葬公墓子男二人長曰晔卽博士君也□曰暉方應進士舉二女皆適令族孫方平范□願其壻也孫男五行簡行敏行正行忠行義行簡今爲承務郎應奉翰林文字行敏祇候承奉班三女尙幼久約少之時在鄉里已稔聞公名後三十年來京師始

得際見建備員詞林公亦繼受。命聯直廬舍數年之閒。口獲
親炙道誼之益。辱知愛良厚。中間隔閼。幾時一時。朋從零
落。殆盡。獨餘衰鄙。白首猶存。乃復幸與應奉公遊處。觀其退讓
沈默。進止端雅。可以想見其前人風度。一日造門。出公平生行
狀致博士君之命。曰。日者先人始棄諸孤。去鄉閭千里外。扶護
閒閒。迨于遠日。壙中之文。未暇爲之。常恐先。行實久無紀述。
遂泯。口。無聞。幸畀之銘。將刻石表諸墓。隨以傳不朽。乃論撰
如狀而繫之銘。旣以慰夫後人。且自致其悲哀之意云。銘曰。

維公之學

沉酣載籍

博物洽聞

維公之文

溫潤綢繆

氣老益振

行成于家

譽藹于鄉

孝友恂恂

韜含縕蓄

侯時而鳴

一鳴驚人

自茲鄉書

三爲舉首

學徒畢臻

遂登甲科

人猶爲恨

合冠時英

泛水依蓮

割鷄操刀

所至有聲 圭璧其溫 冰雪其清 善不近名 金臺細書
玉署代言 稽古之榮 積學美身 推之門人 以及子孫
富貴利達 取必于天 卒如其言 譬農服田 既播而耘
疑疑其蕃 倦遊榮塗 歸將懸車 容駟之門 天不憖遺
奄奪之壽 已矣奚論 鬱鬱松阡 歸從先人 太平之原
塋石刻金 傳信來世 不亡者存

明昌二年五月十五日男中順大夫尙書禮部口口兼修 起
居注上騎都尉清河縣開國子食邑五百戶賜紫金魚袋臨將
仕郎莒州莒縣丞賤建 瑯邪趙彥口并男榮刊增王秀造

右碑篆額未拓文三十六行字徑五分末刊石姓名一行
小字刻於左下角張公名已缺損據中州集張左丞行中
祖莘鎮西軍節度副使是名莘也碑言行臺進士會試上

京猶用試策擢第金史選舉志天德三年并南北選爲一
罷經義策試兩科專以詞賦取士萃擢第在天德二年其
時策試未罷也碑後載子二人長曰暉次曰暉臨本傳除
太常博士碑言歿于京師其子太常博士所居者是也孫
男五人行簡行敏行行政行忠行義行簡今爲承務郎應奉
翰林文字行敏祇候承奉班行簡史有傳大定十九年進
士第一除應奉翰林文字與碑合金舊制狀元及第階祇
爲承務郎行簡以進士第一人碑書其階正與舊制合文
作於大定十九年其子孫見官如此及立石之日暉官已
至中順大夫尙書禮部侍郎兼修起居注上騎都尉開國
子賜紫金魚袋暉將仕郎莒州莒縣丞矣暉于傳未附名
而暉勲爵服章亦畧不及之行忠卽行信本傳云先名行

忠避莊獻太子諱改焉一門閭閻之盛金代士大夫罕與
比倫亦華之厚德所貽也

法王院碑

明昌三年閏二月立正書篆額碑高五尺八寸廣二尺五
寸在淄川縣東北瓦村

右碑額題法王院記四字橫列徑二寸五分上層刻大定
五年勅牒一道次刻記文三十一行字徑六分撰文書碑
姓名已缺下層刻施主多人亦殘缺

姜氏云亭房題名碑

明昌四年十月立正書碑高五尺八寸廣二尺九寸在泰
安縣南申村

右碑文十二行題名二十行分上下二列字徑七分篆額

未拓裔孫卿貢進士姜孝儀編次特賜進士及第將仕郎
孔端肅篆額應卿貢進士石德潤書碑案金史選舉廷試
五被黜則賜之第謂之恩例又有特命及第者謂之特恩
端肅結銜稱特賜者殆卽特恩也

重修兗國公廟碑

明昌五年三月立正書篆額碑高四尺四寸廣二尺四寸
在曲阜縣顏子廟

右碑額題重修兗國公廟之記四行字徑三寸碑文漫滅
惟年月以後數行尙可辨其中有助脩五十代孫名經者
與顏氏家乘合

福勝院建石塔記

明昌五年四月刻行書石高二尺一寸凡五面圍二尺五

山東通志卷之二十一
在青州府城西福勝院

右石塔八面其有佛像題字者只五面也中一面鐫佛像三尊左右各二面分刻塔記姓名凡二十行字體大小不等

紇石烈定速仰天山題名

明昌五年九月刻正書崖高一尺五寸五分廣一尺五寸五分在臨朐縣仰天山觀音洞

右題明昌五年九月初十日權府副將軍紇石烈定速挈家遊此凡三行字徑一寸六分余史百官志諸總管府都總管一員同知都總管一員兵馬副總管一員以下則總管判官府判推官知法之類此題云權府副將軍者殆兵馬副總管之別稱歟紇石烈乃金源部落之號定速是其

名也

王珩路伯達等靈嵩詩刻

明昌五年刻正書石高一尺四寸廣二尺八寸在長清縣

靈岩寺

巡按詣靈岩名利禮

佛焚香憩坐于超然亭覽堂頭琛公佳製謾繼嚴韻

山東路提刑王珩

鍾山英秀草堂靈林下相逢話愈清聞道謀身宜勇退得閒何

必待功成

明昌五年十月十五日十方靈岩禪寺住持傳法沙門廣琛立

石 濟南梁宗誠同李堅摸刊

琛公堂頭和尚有題超然亭頌因次其韻

冀州節度使路

伯達

六合空明現此亭本來無垢物華清客來便與團樂坐萬偈何妨信手成

明昌五年二月十五日十方靈巖禪寺住持傳法沙門廣琛立石
濟南梁宗誠同李堅撰刊

右刻王珩詩九行字徑八分路伯達詩七行字徑一寸前後立石姓名各二行字徑四分二分二詩一刻於明昌五年二月十五日一刻於十月十五日案地里志山東東西路提刑司此王珩結銜稱東路提刑卽巡按濟南諸屬也冀州節使天會七年置安武軍節度是也路伯達見中州集云仲顯字伯達冀州人正隆五年進士明昌初授武安軍節度使據金史本傳伯達字仲顯與中州集稱字伯達

者異今詩刻爲其自題不宜署字是名伯達無疑爾本傳稱改鎮安武宋朝事實冀州慶歷八年陞安武軍節度金蓋依其舊名而中州集爲武安倒訛之故也伯達詩爲遺山所採

棣州重修廟學碑

明昌六年二月立正書碑高五尺四寸廣二尺八寸在惠

民縣學

棣州重修廟學記

翰林侍講學士朝列大夫知制誥兼

同修國史護軍馮翊郡開國侯食邑一千戶食實封壹伯戶

賜紫金魚袋党懷英撰并篆額承務郎守祕書丞兼尙書

禮部員外郎驍騎尉賜緋魚袋趙溫書

郡縣有學所以講道藝養人材美風化也士知從事於學則必

探討六經而遊意於道德仁義之際資之深固可以師表天下
後世撫其華猶足以立身榮親而庇宗族自先達而勸後來由
一士而警一鄉漸染浸釀久而成風鄙薄消而禮讓興焉此三
代之政承流宣化者所當勉也而世之喜功利要近效者方以
刑名錢穀爲務顧教化爲不急是以州縣學校多就墮墜棣州
州署東南爲

宜聖廟卽殿之後爲橫舍制度嚴邃舊冠他州土木之工積歲
欹傾上漏旁穿不庇風雨州人學子相與歎息久矣有客宦梁
其姓彥珪其名者來自黃龍樂州之風土而家焉爲人倜儻尚
義士大夫喜稱道之其子棟隸業學館有場屋聲一日謂棟曰
茲地不茸日甚一日燬極則新理之必至雖然吾老矣恐不及
見異時營繕役興爾當以三十萬爲助明昌三年太中大夫郭

公安氏由禮部侍郎出守是州慨然有修舊起廢之意召匠計之費當二百萬乃以文移計府而有司之吝七分其數而纔得其一方復經度會有移鎮之命越明年嘉議大夫石公玠實始繼來亦既奠謁裴回觀覽顧詢諸生思舉前作獨念所得不足以給用棟因進前告以其先遣命復有郡人榮昌好事而樂施子頤因賜濟嘗授恩級聞風欣然願同棟數旣又狀次進士曰李備亦以錢幣爲助副以梁棟衆材直百千公聞之喜曰可矣然不得才而通廉而幹者不可以倚辦乃委教授王樞司候李鯤同領斯役樞旣長於規畫鯤亦勤恪不怠而公復以威重鎮之凡有咨稟卽爲醕酢於是匠者獻技役夫効勞不厯不訶衆事具舉崇殿基之庠增臺門之高兩廡加其楹中門宏其構講堂齋舍相繼皆作至於捏素圖畫之像窻牖欄楯之制髹漆丹堊

之飾朽毀鉅切之工無不各盡其巧莫祭諸器朽腐無幾一一更新之初功既興揔度所費而公私所得猶不能以半餘所不足棟與昂皆予之於是二君所輸前後各至百萬蓋經始於五年春三月而畢功於是年季秋落成之日士庶耆老感歎相賀以謂壯麗嚴敞視舊有加焉六年春棟來京師屬其鄉先生太常博士姚君建榮求鄙文以爲記蓋嘗謂物事興廢固係于時而其成功實存乎人

方今天下承平

聖上垂意儒術禮學之興宜在今日然非得郡守賢明俺屬廉幹能體

上意與夫嚮風好誼之士相與贊成安能成之之亟如此哉余聞樞之祖文正沂公嘗買田以予鄉學歲久多爲田畔侵冒石

公貳清東平之日皆理而歸之學諸生至今德之由是有以知石公有力於學校蓋其素也余既高二守相繼知承流宣化之本兩從事之能成公命數君子之贊助有成復嘉棟之有終始也乃叙其詳實而書之不自陋其繁焉明昌六年二月七日記登仕佐郎棣州州學教授田職立石

武畧將軍棣州防禦判官兼提舉常平倉事飛騎尉馬國基廣威將軍同知棣州防禦使事兼提舉常平倉事上騎都尉金源縣開國子食邑五百戶完顏弼

嘉議大夫棣州防禦使兼提舉學校常平倉事上輕車都尉武威郡開國伯食邑七百戶賜紫金魚袋石玠

右碑篆額未拓文凡二十四行字徑七分立石銜名四行字徑五分碑爲党懷英撰并篆額趙鳳書二人並見金史

文藝傳懷英以明昌二年遷侍講學士明年議開邊防濠
蘄懷英等十六人請罷其役詔從之遷翰林學士依傳文
則遷學士在三年作記時在六年而不署學士銜何也階
勲兼官及爵封食邑傳皆不書畧之也風字文孺大定二
十二年進士仕至禮部郎中傳亦不著其階勲至稱風之
正書體兼顏蘄此碑深得其旨予以知史非溢美也後列
田賤馬國基完顏弼石玠諸銜案碑凡州字上皆鐫鑿不
可見玩其影迹當是棣字稽之完顏弼傳從丞相裏成邊
功最除同知德州防禦使事不載其同知棣州弼之勲爵
傳畧而不書宜以此補之石玠見遺山集閒閒公墓誌云
次女嫁衛州行部郎中石玠名進士者卽其人也國基與
弼題銜皆兼提舉常平玠題銜又兼提舉常平學校百官

志載防禦使職掌不見此文食貨志明昌三年九月勅置
常平倉之地令州府官提舉之縣官兼董其事此碑稱防
禦以棣州設上防禦職與州官等故亦稱兼提舉胡景崧
神道碑銘舊制文資官例提舉學校遠山集玠提舉學校緣
舊制也

李氏祖塋碑

明昌六年二月立正書篆額碑高六尺六寸廣二尺四寸
五分在濟寧州小郝村李氏墓上

右碑額題李氏祖塋之記二行字徑三寸文及題銜年月
凡二十三行字徑八分鄉貢進士黃晦之撰文潁川陳度
書丹太中大夫前同知汝州軍州事輕車都尉虢略郡開
國伯食邑七百戶賜紫金魚袋致仕楊師復篆額金史地

里志號州宋號郡軍事此號號畧郡較宋號郡多畧字金
志號畧爲縣非郡也蓋金亦號號畧志未備錄也碑言李
氏遠祖諱令琛舊爲盧臺郡人唐初一日衣帶純白御大
風而來不遠千里至大郝村輒止因家焉其事甚誕而以
之書于碑其亦逞異聞者歟

普照寺照公開堂疏碑

明昌六年二月立八分書篆額碑高七尺二寸廣二尺八
寸在濟寧州普照寺

右碑文十四行字徑一寸五分末刊姓名一行正書党懷
英撰疏并書年月下鈐翰林學士之印方徑二寸朱文碑
云延請照公和尚爲大衆演法卽後碑末行所稱智照是
也

党懷英書王荊公詩刻

明昌六年四月刻篆書凡四石各七言絕句一首石高四尺廣二尺在濟寧州學

烏石岡邊繚繞山柴荆細路水雲間拈花嚼蘂常來往只有春風似我閒

紅梨無葉芘花身黃菊分香飢路塵歲晚蒼官才自保日高青女尙橫陳

萬事悠悠心自知強顏於世轉參差移牀獨向西風裡卧看蜘蛛紛網絲

松篁不動翠相重日射流塵四散紅地上行人愁暍死那知高處有清風

右詩刻四石每石四行字徑三寸第一石首行之右小八

分書題竹溪堂懷英書六字極清勁竹溪當是承旨自號
中州集及金史本傳皆不及之第四石末行之左題小楷
書明昌六年四月且日濟州普照禪寺住持傳法嗣祖沙
門智照立石古任李紳刊一行錢辛楣少詹云懷英以篆
隸擅名一代此詩用古文篆尤精妙可愛其云黃菊分香
飢路塵蓋借飢爲委字漢書淮南王傳皇帝飢天下正法
揚雄長楊賦飢渴而還師古曰飢古委字張表碑旌命飢
任亦以飢爲委也云卧看蜘蛛紛網絲借紛爲結儀禮士
冠禮將冠者采衣紛注紛結髮古文紛爲結詩毛氏傳象
珥所以解紛疏云紛與結義同碑後有智照立石題字照
卒于明昌六年八月其塔銘亦懷英八分書

明昌六年十月立正書篆額碑高五尺二寸廣二尺八寸
在長清縣靈巖寺

右碑額題靈巖寺田園記三行字徑三寸五分文及題銜
年月凡二十六行字徑六分撰文者周馳書丹者趙渢篆
額者完懷英周馳見中州集云字仲才濟南人大定中任
太學屢以策論魁天下私試亦頻中監元貞祐之兵濟南
路陷不肖降攜二孫赴井死

文殊寺勅牒碑

明昌七年正月立正書碑高一尺三寸廣二尺四寸在臨
朐縣仰天山文殊寺

右碑前刻賜額天寧文殊禪寺勅後刻宋元符三年十二
月賜額靈澤廟敕皆明昌七年重刻凡二十四行字體大

小不等天寧文殊寺額雖無年號可據然勅內稱天寧節
乃徽宗生日徽宗以五月五日生因俗忌改作十月十日
從章惇請也是日准度僧一名與碑正合

照公禪師塔銘

明昌七年三月刻八分書篆額碑高七尺五寸廣二尺七
寸在濟寧州普照寺

右碑額題照公禪師塔銘二行字徑二寸五分文二十三
行字徑八分末行刊石姓名正書徑七分趙過撰文党懷
英書并篆額案照公於是年二月刻開堂疏四月刻荆公
詩至八月圓寂相距未及半年也

瑤公禪師塔題字

無年月篆書在濟寧州西劉家莊

右刻未見拓本題云瑤公禪師之塔二行無年號可攷朱朗齋以筆法似党承旨均於照公塔銘之後

石佛寺乞雨碑

明昌七年七月立正書碑高一尺三寸廣一尺四寸在溜川縣

石碑文十行字徑七分無撰書人姓名

段在等登高會題字

明昌七年九月刻行書在嘉祥縣洪山頂

右刻明昌丙辰歲登高社首段在等題名二十三人內王俊姜系二人皆天德庚午與會者距此已四十七年矣此與後一種皆未見拓本據朱朗齋所錄載之

洪山石佛題名

無年月正書在嘉祥縣洪山頂

右題字九行分刻石佛左右左二行祇匠人姓名及六月等字右七行皆村衆姓名朱朗齋客濟寧時訪得增于段在等題字後今仍之

靈巖寺碑

明昌七年十月立八分書篆額陰字體不一碑高七尺六寸廣三尺一寸在長清縣靈巖寺

右碑額題十方靈巖寺記三行字徑四寸文及題銜年月凡十九行字徑一寸二分撰書篆額皆党懷英一人兼之碑陰兩段分拓一題遊靈巖詩云天下三巖自古傳靈巖的是梵王天羣峰環寺連叢柏雙鶴盤空湧二泉此日登臨驚絕景當年經構仰良緣停雲爲憶寥休子好伴真遊

方公禪師社白蓮丙辰冬至日蓬山劉應淵識監寺淨善等謹
命工刊正書十行大小不等丙辰當是蒙古憲宗時也一
題冠氏帥趙侯濟河帥劉侯率將佐來游好問與焉丙申
三月廿五日題行書五行徑二寸道山手跡世不多見書
字勁逸不失古法武虛谷云丙申爲蒙古太宗之七年于
時金亡三年矣趙侯者案遺山集冠氏趙侯先塋碑稱冠
氏帥趙侯天錫字受之今爲東平左副元帥兼分治大名
府路同知兵馬都總管事宜授將軍千戶者卽此題趙侯
也遺山嘗客冠氏又與趙侯銘其先人宜其有此勝遊耳
顯武將軍張琪墓表銘

承安元年立正書碑高四尺八寸廣二尺六寸在莘縣城
南黃樓店張公墓上

右碑篆額未拓文凡三十二行字徑八分
璚篆額李守禮書丹碑稱琪魏之莘人金史地里志莘屬大名此作魏者郡舊以此名也又云阜昌八年七月中差充河南府翼縣巡檢案河南府金時無翼縣殆是爲齊權設中罷史不悉錄與

重修文宣王廟碑

承安二年三月立八分書篆額陰書體詳後碑高一丈三尺四寸廣四尺六寸在曲阜縣孔廟

大金重修至聖文宣王廟之碑

額三行徑五寸

大金重修 至聖文宣王廟碑 翰林學士朝散大夫知

制誥兼同修 國史上護軍馮翊郡開國侯食邑一千戶食

實封壹伯戶賜紫金魚袋臣党懷英奉

空十字

九字勅撰并書丹篆額

皇朝誕受 天命

累聖相繼平遼舉宋合天下爲一家 深仁厚澤以福斯民粵
自

太祖暨于

世宗撫養生息八十有餘年庶且富矣又將教化而粹美之

主上紹休

祖宗以潤色

字三

洪業爲務

卽位以來

畱神政機革其所

常革興其所當興飭官厲俗建學養士詳刑法議禮樂舉遺修
舊新美百爲期與萬方同歸文明之治以爲興化致理必本於
尊

師重道於是 奠謁

先聖以身先之嘗 謂侍臣曰昔者 夫子立教於洙泗之上

有天下者所當取法迺今遺祠久不加葺且其隘陋不足以稱
聖師之居其有以大作新之有司承 詔度材庀工計所

需費爲錢七萬六千四百餘千

詔竝賜之仍

命選擇

幹臣典領其役役取於軍匠傭於民不責亟成而責以可久不
期示侈而期於有制凡爲殿堂廊廡門亭齋廚費舍合三百六
十餘楹位敘有次像設有儀表以傑闕周以崇垣至于櫺座欄
楯簾櫳景恩之屬隨所宜設莫不嚴具三分其役因舊以完葺
者才居其一而增勦者倍之蓋經始於明昌二年之春踰年而
土木基構成越明年而髹漆彩績成先是羣弟子及先儒像畫
於兩廡既又以捏素易之又明年而衆功皆畢罔有遺制焉
上旣加 恩闕里則又澤及嗣人以其雖襲公爵而官職未稱
與夫祭祀之儀不備特 命自五十一代孫元措首階中議

大夫職視四品兼世宰曲阜六年又以祭服祭樂爲 賜遣使
策祝并以崇成之意告之方役之興也有芝生於林域及尼山
廟與孔氏家園凡九本與役者采圖以 聞且言瑞芝之生所
以表 聖德之致廟成之日宜有刊紀敢請并書于石又廟
有唐周以簡度書願得 賜名揭諸其上以觀示四方 詔
以奎文名之而 命臣懷英記其事臣魯人也杏壇舊宅猶
能想見其處今幸以諸生備職藝苑可飾固陋之辭挈楹計工
謹誌歲月而已乎敢竊敘

上之所以褒崇之實備論而書之而後系之以銘臣嘗謂唐虞
三代致治之君皆相授以道至周末世不得其傳而 夫子載
諸六經以俟後聖降周訖漢異端並起儒墨道德名法陰陽分
而名家而以六藝爲經傳章句之學歸之儒流不知六藝者

夫子所以傳唐虞三代之道衆流之所從出而儒爲之源也後世倘尙而聽沿其流而莫達其本用其偏而不得其醇自是歷代治亂常與時政高下洪惟

聖上以天縱之能典學稽古游心於唐虞三代之隆故凡立功建事必本六經爲正而取信於夫子之言夫惟信之者篤則其尊奉之禮宜其厚歟臣觀漢魏以來雖奉祠有封汎埽有戶有田禮則修矣未如今日之備也初廟傍得魯廢池發石甃以爲柱礎鉅砌之用浚井得銅以爲鋪首浮漚諸飾繇是省所費錢以千計者萬四千有奇方復規畫爲宅日繕治無窮之利然則非獨今日之新葺將愈久而無弊也銘曰

維古治時 以道相繼 不得其傳 粵自周季 天生

空三

將聖

空三

遭世不綱

垂統六經

以俟後王

六經維

何爲世立道 有王者興 是惟治要 於鑠

我皇

字空三

聖性自天

玩意稽古

傳所不傳

建學宏文

崇明儒雅

躬禮

字空三

聖師

字空三

率先天下

乃睠闕

里祠宇弗治

矧其舊制

旣隘且庫

乃詔有司

乃疏

泉府 撝材庀工

衆役具舉

梓人獻技

役夫効功

隘

者以闕

庠者以崇

崇焉有制

闕焉惟法

卽舊以新

增其十八

植植其正

翼翼其嚴

魯人來思

歎息仰瞻

魯人有言

惟今非昔

豈伊魯人

四方是式

瞻彼尼

山 及其林園

有芝煌煌

表我

字空三

聖恩

字空三 聖恩

之隆 施于世嗣

顯秩峻階

視舊加異

廟樂以雅

祭

服有章

錫爾奉祠

名教是光

有貞斯石

有銘斯勒

揚厲鴻休

以詔無極

碑陰

歲在己酉率諸將佐恭拜 林廟周覽 聖蹟畱三日而去二

月四日東平嚴忠濟謹題

題名六行正書徑二寸

太原張德輝由真定抵東平從關里諸容敬拜 林廟周覽勝

跡畱一夕而去男復侍行歲乙卯夏五月式十五日識古充丁

丕顯同來

題名六行八分書徑一寸七分

乙卯秋九月十有三日陵川郝經拜謁 祠下遂奠 墳林

題名

五行左讀正書徑一寸

東平王玉汝燕山畢英范陽盧武賢清亭杜仁傑從 行臺公

拜奠 祠林歲舍己酉立秋日上谷劉詡謹識

題名六行正書徑一寸五分

東遼北野山黃冠蕭元從五十一代襲封特來敬謁 林廟王

寅歲十二月謹題

題名七行正書徑一寸五分

庚子歲七月上旬益津高詡敬謁 聖師祠下謹題二絕句以

誌其來 帝王而下幾興亡銷盡繁華作戰場獨有 東家詩

禮在子孫萬古讀書堂 六經不幸火于秦日月曾何礙片

雲用捨從來開治亂皇天本不喪斯文

詩十三行行書大小不等

歲壬子夏六月朔旦平陽曹椿年自燕來拜奠

林廟

題名二行行正書

徑一寸二分

龍山高樺同弟民範拜謁 林廟承安二年夏四十日

題名四行行書

大小不等

晉臺耿懷義同雲中魏伸古禱史煜敬謁

林廟承安五年閏

二月初六日

題名三行正書徑六分

大原元好問劉浚明京兆邢敏上谷劉詡東光勾龍瀛蕩陰張

知剛汝陽楊雲鵬東平韓讓恭拜

聖祠遂奠

林墓乙巳冬

十二月望日謹題

題名入行行書大小不等

雲中魏瑤上谷劉詡陳邨徐世隆汴梁李紱隆安張澄泊男孔
孫自鄆道充至曲阜恭謁 林廟凡畱三日遍覽 聖蹟時經
亂已久 廟貌未復追想盛明不勝慨嘆然聖道隆替繫時戚
休褒崇之典豈無所待云甲辰秋七月廿有一日世隆謹題
題名 九行正書徑寸八分

監脩官從仕郎曲阜縣主簿權縣事劉燧同監脩徵事耶 宣
聖廟教授聶天覺四十九代孫瑛 瑋 璘 璘 璘 勒五十代孫損

揚同奉勅承安二年三月旦日訖功

揚元刊

題名五行八分書徑一寸

會見春風入杏壇奎文閣上獨憑欄淵源自古尊 洙泗祖述
何人似孟韓竹簡不隨秦火冷楷林空倚魯城寒飄零蹤跡千

上後无分東家老一簞

楊與

詩六行行書徑九分

朝列大夫山東東西道肅政廉訪副使劉文因理東原等處郡
邑獄囚路經曲阜率分司書吏徐介周瑞奏差羅文郁從

嗣聖五十四代孫中議大夫襲封衍聖公孔思晦偕三氏子孫
教授王不矜學錄寶淳德掌書任明善敬謁

林廟瞻仰奠拜

禮成而還時延祐歲次己未六月二十又五日也

題名十行正書徑一寸

祭文

大元延祐六年歲次己未六月乙酉朔越二十五日乙酉朝列
大夫山東東西道肅政廉訪副使劉文謹以清酌之奠敬致祭
于

大成至聖文宣王

惟王爰出乎類自生而知德配乾坤道光日月總無極於覆載
破未悟以通明爲古今師懷帝王器全集大成之教決開榮進

之源希用報章式陳明薦

尙饗

窀穸公

惟公位崇亞聖名冠四科鼓瑟自怡樂道爲任有攀鱗附翼之志無施勞佚善之心禮祀大賢光隆永世

尙饗

鄒國公

惟公生稟淑質名推大才立王化之基治儒術之道遵行仁義距放邪淫垂萬世之憲言宜諸生之禮祀

尙饗

祭文二十行正書後七分

萋萋野草翳零壇回首尼山一凭欄空想文風復鄒魯豈知俗學尙申韓虛堂晝寂琴聲雜高閣春深檜影寒樂道獨憐紫陽

子忘情軒冕羨孤簞

文劇詩七行行書徑八分

乘閑杖策上郊壇絕勝登樓獨倚欄千古遺蹤思

孔孟百

年雅集數揚韓泉通鼉背波紋冷月照龍門夜色寒此去關西

有東魯柳塘沙路走壺簞

紫陽方有歸秦之典故及之

劉翹詩七

行行書徑八分

右碑文及題銜凡二十九行字徑一寸四分碑陰題字凡

十七段

濟陽縣創建宣聖廟碑

承安三年六月立正書碑高五尺八寸廣三尺在濟陽縣

學

口口縣勸建宣聖廟碑

朝散大夫行太常寺口騎都尉穎

川縣開國男食邑三百戶賜紫金魚袋陳大舉撰

承直郎

行御史監察驍騎尉賜緋魚袋口口章篆額 鄉貢進士張

口濟書丹

國家承平日口自京師至於郡邑莫不有學使秀民得口口道
藝其中三歲賓興拔其尤者所以粉澤禮樂教化之功者甚備
天下十有九路文風號稱郁郁然者莫如山東山東會府有三
溪山秀爽號口多名士者莫如濟南濟南屬縣有七水陸俱通
四方游販歲集而月至者莫如濟陽濟陽有桑蠶之饒口口殷
庶其俗尚義任氣然失在夸奢口口或有其天性好學如漢太史
之說者亦不乏人故知名場屋者往往輩出縣舊無

孔子廟凡二仲月釋奠口官以著令不敢廢期至借屋行禮或
僧坊或驛舍無有定處前後不知幾令佐而已雖間有欲作新
廟貌者以品地不能專輒計其功費聞於府聞於轉運例以稱

造故難之其口屢寢無如之何一日諸文士相謂曰吾儕尙有
闕廬而

先聖先師無奠幣獻牲之地彼釋老之徒溺於怪誕猶知口飾
祠宇丹刻輪奐無所不至今吾徒反不如彼得無惡耶且十室
必有忠信况万室之邑乎吾徒苟能倡之以誠豈無賢達以誠
相應者哉因口諸邑人得衣冠之族趙氏者願獻地楊彪者畫
其位置願爲殿爲堂爲齋房爲庖馭單父商者王彥願爲戟槊
門及兩廡進士李仲熊爲之倡口汝翼范師祖廬守簡馬遵古
張炎李亦顏數人相左右之請於有司既允而後除地於蓬蘢
之聚鳩財庀工以大定十四年口月經始二十四年八月落成
剏新

先聖先師之像凡配饗從祀者俱以位序列焉秩秩繩繩口圖

合禮他邑之祠莫及也觀者嘉歎旣而李仲熊以書徵文於余
曰敝邑自天會八年改置而來有司以簿書不責者爲不急故
□遑於□□□幸獲考實出私泉不煩公帑一物恐來者忘其
勤宜有紀述方礲石以待僕以爲學校者風俗之本原而人不
可一日無也古者□□□□□明於上孝悌睦婣任恤之行
興於下蓋人性遷革磨揉入於善者皆繇於學然其事難成也
久矣雖當塗顯人猶病不能爲况里居之□□□□王二公慨
慨好事誠能不愛資貲爲人之不可一日無者使春秋奉祀有
嚴生徒肄業有所其於風化不爲小補將見聽弦誦而仰下□
□□□明秀之俗成詭欺薄惡之習變入其里多禮讓之兒行
於野無負戴之老抵冒殊扞者絕爭田之訟椎埋弗率者傳聞
孝之章如此然後□□□之意也承安三年六月旣望安東陳

大舉記

宣武將軍行縣尉騎都尉金源縣開國男食邑三百戶完顏醜奴

徵事郎行主簿兼管勾常平倉事苑汝霖

從事郎

守縣丞兼管勾常平倉事楊潞

定遠大將軍行縣令

勾常平倉事輕車都尉廣平郡開國伯食邑七百戶字术魯

□□

右碑文及題銜凡二十三行字徑七分武虛谷云碑已斷裂幸無大損剝所列朝散大夫行太常寺騎都尉潁川縣開國男食邑三百戶賜紫金魚袋陳大舉撰承直郎行御史監察驍騎尉賜緋魚袋章篆額鄉貢進士張濟書丹金史百官志監察御史十二員碑以御史結銜加于監察之上疑上缺字爲侍字蓋以侍御史兼監察也

碑稱濟南屬縣有七水陸俱通四方遊販歲集而月至者
莫如濟陽後敘縣舊無庠學仲丁釋奠皆借僧房驛舍有
諸文士唱之度地庀材成庠加于他邑又云邑自天會八
年改置而地里志無改置始末齊乘云濟陽本漢朝陽唐
宋之臨邑章邱地金初劉豫割章邱之標竿鎮及臨邑封
圻之平置濟陽縣屬濟南據是碑稱天會八年是爲太宗
建元之庚戌明年劉豫始僭偽號阜昌元年蓋改置濟南
不由于豫于思容所記誤也又後趙街者四人宣武將軍
行縣尉騎都尉金源縣開國男食邑三百戶完顏醜奴徵
事郎行主簿兼管勾常平倉事苑汝霖從事郎守縣丞兼
管勾常平倉事楊濬定遠大將軍行縣令口管勾常平倉
事輕車都尉廣平郡開國伯食邑七百戶李朮魯口案常

平倉本以州府官及縣官提舉此又主簿丞尉並兼管勾
矣皆志文所失載

党懷英杏壇石刻

承安三年刻篆書石高四尺四寸廣二尺四寸在曲阜縣
孔廟

右刻杏壇二字徑一尺四寸旁題門生党懷英書承安戊
午五十一世孫元措立石八分書二行字徑一寸三分

成氏先塋碑

承安四年二月立正書篆額碑高六尺廣二尺六寸在嘉
祥縣戴家店

右碑額題成氏葬祖先墳塋之記三行字徑四寸文及題
名凡二十七行鄉貢進士鹿汝弼撰并書趙中篆額此與

後徐氏墓碑皆未見拓本據朱朗齋所錄載之

東海徐氏墓碑

承安四年七月立正書篆額碑高六尺五寸廣二尺五寸
在濟寧州兩城山

右碑額題東海徐氏墓碣三行字徑五寸文二十三行唐子
固撰文徐珍書丹篆額文既俚鄙字猶粗劣殊不足觀也

地藏院公據碑

承安四年十月立正書碑高七尺廣二尺八寸在滕縣地
藏院

右碑上截刻公據二道字徑六分前書滕陽軍准武寧軍
節度使衙帖准尙書刑部符文准奉都省劄付及照驗合
同付住持寺觀人收執案金史百官志載刑部職掌無給

付僧尼公據之文史所不備見于石刻往往可徵如此又
另行書滕陽軍據都綱司申奉本軍正覺禪院寄住尼告
級索村地藏院一所云云大金國志佛圖之教在列郡曰
都綱碑之立當大定二十一年其時滕陽雖仍軍名而實
同郡治故都綱亦設員矣碑下截刻寺尼眷次序譜及年
月立石人名氏字徑七分

重刻唐史承節鄭公祠碑

承安五年三月立正書碑高六尺四寸廣三尺五寸在高

密縣鄭公祠

後漢大司農鄭公之碑

唐銀青光祿大夫使持節邢州諸

軍事邢州刺史上柱國琅瑯郡開國男史承節撰

夫囊括宇宙者文字發明道業者典墳所以聖人作而萬物觀

賢人述而百代通禮樂得之以昭明日月失之而憲咸宣

刪緝之功秦始速焚燒之禍迨乎羣儒在漢傳注瑤口莫不
玉交輝纖微洞迹同見集於芸閣獨有輟於環林豈若經教與
義圖緯深術兼行者多無如我鄧公也公諱元字康成北海高
密人也八世祖崇哀帝時爲尚書僕射公少爲鄉耆夫不樂爲
吏遂造太學受業師事京兆第五元始通京氏易公羊春秋三
統麻九章算術又從東郡張欽祖受周官禮記左氏春秋韓詩
古文尚書攝齋問道握衣請益去山東而入闕右因盧植而見
馬融考論圖緯乃召見而升樓精通禮樂以將東而起歎三載
在門十年歸邑及黨事起遂杜門不出隱修經業於是鍼左氏
之膏肓起穀梁之廢疾而又操入室之戈矛發何休之墨守陳
元李育校論古今劉瓛范升憲章文議何進延於几杖經宿而

逃袁隗表爲侍中緣喪不赴孔融之相北海屢屢造門陶謙之
牧徐州接以帶禮比南山之園皓鄉曰鄭公類東海之于君門
稱通德漢公車徵爲大司農給安車一乘所過長吏送迎公乃
以病自乞還家董卓遷都長安公卿舉公爲趙相道斷不至會
黃巾寇青部乃避地徐州建安元年自徐州還道遇黃巾賊數
萬見公皆拜相約不敢入縣境時大將軍袁紹總兵冀州遣使
邀公大會賓客迺延升上坐身長八尺飲酒一斛秀眉明目儀
容溫偉客多豪雋並有才說見公儒者未以通人許之競設異
端百家互起公依方辨荅咸出問表皆得所未聞莫不嗟服將
汝南應劭亦歸於紹因自贊曰故太山守應仲遠北面稱弟子
何如公笑曰仲尼之門考以三科回賜之徒不稱官閥劭有慙
色門人相與撫公荅諸弟子問五經依論語作鄭志八篇公所

注周易尚書毛詩儀禮周官禮記孝經尚書大傳中候乾象歷
又著天文七政論魯禮禘祫義六藝論毛詩譜駁許慎五經異
義荅臨孝莊周禮難凡百餘萬言經傳治熟稱爲純儒其所撰
注今並通習是知書有萬卷公覽八千也齊魯間宗之公後嘗
疾篤自慮以書戒其子益恩曰吾家舊貧爲父母羣弟所容去
廩役之吏游學周秦之都往來幽并兗豫之域大儒得意有所
受焉遂博稽六藝粗覽傳記時觀秘書緯術之奧年過三十乃
歸鄉假田播殖以娛翰笈後舉方正賢良有道辟大將軍三司
府公車再徵比牒併名早爲宰相惟彼數公懿德大雅克堪王
臣故宜式敘吾自忖度無□□□□□□□□之元意思整百
家之不齊亦庶幾以竭吾才故聞命罔從而黃巾爲害萍浮南
北復歸鄉邦入此歲來已七十矣宿累衰落仍有失誤衆之禮

典便合傳家今我告爾以老歸爾以事將閑居以安性覃思以
終業自非拜國君之命問族親之憂展敬墳墓觀省野物胡嘗
扶杖出門乎家事大小汝一承之咨爾號哭一夫曾無同生相
依最求君子之道研鑽勿替敬慎威儀以近有德顯譽成口僚
友德行立於已志若致聲稱亦有榮於所生可不深念耶可不
深念耶吾雖無紱冕之緒亦有讓爵之高自樂以論贊之功庶
不遺後人羞凡某所憤憤者徒以吾親墳壠未成所好羣書率
皆腐弊不得於禮堂寫定傳與後人日西方暮其可圖乎家今
差多於昔勤力務時無恤飢寒菲飲食薄衣服節夫二者尙可
令吾寡恨若忽忘不識亦已焉哉×年春夢孔子告之曰起
今年歲在辰來年歲在巳既寤以識合之知命當終有頃寢疾
享年七十有四以其年六月卒遺令薄葬自郡守以下當受業

者綴經赴會千餘人迺葬於高密縣城西北一十五里彌阜山之原嗚呼哀哉有子益恩孔融在北衆舉爲孝廉及融爲黃巾所圍遂赴難隕身有遺腹子公以其手文倡已名曰小同精通六經鄉人尊之時爲侍中嘗詣司馬文王文王有密疏未之屏也如廁還問曰卿見吾密疏乎荅曰不見文王曰寧我負卿無卿負我致鳩而卒悲夫自夫子沒後大道方壅公之網羅遺典探賾今猶特立鬱然時季途屯志不苟變全身遠害猗歟美歟及范曄作論有曰王文豫章君每考先儒經訓長於公常以爲仲尼之門不能過也及傳受生徒專以鄭氏家注云晉中興戴逵寄安道以鷄卵汁洩白瓦屑爲公作碑手自書寫文□□□語亦妙絕年代古而碑闕亡德音負而詩書在承節以萬歲通天元年奉勅於河南道訪察觀風省俗激濁揚清行至州界見

高密父老云鄭先生漢代鴻儒見無碑記不以庸妄遂託爲文
往以會府務殷口無暇景歲序遷貿執筆無由今者罷職含香
忝居分竹屬以閑隙乃加修撰耆舊者惟聞其名後生者不覩
其事今故尋源討本握槩懷鉛兼疏本傳之文並序前言之目
發九泉之冥昧播千載之口口翦以繁華不爲雕飾文先成訖
石又精磨碑未建而承節卒正議大夫使持節密州軍州事刺
史上柱國鄭杳以開元十三年秋八月巡茲屬縣敬謁先宗欽
承墳墓之間籌度碑石之側公心至清不欲費口公性至靜不
欲勞煩迺命叅軍劉肫校理舊文規模新勒未閒肫又罷職仍
令終事冬閏十二月公伺其歲隙因遣巡團便令建立惠而不
費允協人神承節銘曰

煥乎人文圖籍典墳煩亂事翦定自孔君中途湮沒秦帝俱焚

漢興儒教鄭氏起羣胥腴美地簪紱宏規嗇夫罷署京兆尋師
中候乾象左氏韓詩雖稱積學殆若生知公之挺生大雅之懿
囊括墳典精窮奧秘六藝殊科五經通義小無不盡大無不備
好學慕道深思遠慮來往周秦經過充豫侍中不仕司農罷署
盧植東遇馬融西去作者謂聖述者謂明躬違三辟門傳五更
周官東部漢隄西京白玉遍地黃金滿簾占卜潛橋行途過沛
陶謙師友孔融高蓋山啓黌扉草生書帶七十歸老三年赴會
經傳洽熟齊魯攸宗爵祿不受贊論爲功禮樂今去吾道皆東
類于標德比皓稱公闍尹擅貴禁錮連年乃逢宥罪方從舉賢
南城避難東萊假田誕膺五百終覽八千今年在辰來年在巳
嗚呼不慙于嗟到此勞我以生息我以死道該八索神交千祀
澌水之曲礪阜之陽通德爲里鄭公爲鄉雲愁廟古月暗墳荒

舊碑先沒新石再彰詞愧黃絹心淒白口明於不朽終古

鄉貢進士口安中書丹

徵事郎前行密州高密縣

簿兼管勾常平倉事蔡口裔篆額

大金承安五年歲次庚申三月一日勒成

柴淵立石

濰陽劉元紀仙本店于全刊字

漢高密鄧司農祠墓在濰水旁礪阜山下承祀式微不能

捍采樵者濰沙乘風內侵其深及墻祠宇頽沒元率官士

脩之祠南門外積沙深遠遂改門東向植松楊行栗于西

南以殺風勢脩齊正殿改書木主增建旁屋三楹爲官吏

祭宿地建坊書通德門以復孔文舉之舊祠外田廬號鄧

公莊者三散據高密安邱昌邑三縣地鄧氏苗裔百數十

人居之務農少文而譜系世守猶可考擇其裔孫憲書請

於禮部劄爲奉祀生給田廬使耕且讀是役也掘沙之工
半於土木趙商漢碑見於著錄今求之不得得金承安重
刻唐萬歲通天史承節所撰碑揚其文讀之知承節之文
乃兼取謝承諸史非蔚宗一家之學其補正范書昭雪古
賢心迹非淺也碑文凡二十九行字徑八分承節以萬歲
通天元年奉勅於河南道訪察至高密因父老之請爲文
文成未書碑而卒開元十三年八月密州刺史鄭杳始命
參軍劉肅刻石于墓唐所刻石今無存賴金承安五年三
月所重刻知之據金石錄云承節碑乃雙思貞行書今金
碑改爲正書削唐人書碑舊名然其文則皆因唐舊無所
竄改元以范書鄭康成列傳校之傳先始通京氏易碑無
先字傳東郡張恭祖碑作欽祖傳徵爲大司農及與袁紹

之會數事碑並次於與子益恩書前傳故太山太守應中
遠碑作太山守傳所注周易尙書毛詩儀禮禮記論語孝
經碑多周官無論語傳荅臨孝存碑作孝莊傳不爲父母
羣弟所容碑無不字傳獲覲乎在位通人處逸大儒咸從
捧手有所受焉碑省其文作大儒得意有所受焉傳乃歸
供養碑作乃歸鄉傳遇閹尹擅勢坐黨禁錮碑載其事入
銘辭中傳舉賢良方正碑作方正賢良傳公車再召碑作
再徵傳其最求君子之道碑無其字傳末所憤憤者碑作
凡某所憤憤者傳亡親墳壟未成碑作吾親凡此異同比
而核之可釋學者積疑蓋有三焉司農戒子益恩書乃歸
老疾篤時事故宜在漢公車徵爲大司農及袁紹邀至冀
州諸事後而范書反載書文於前使事蹟先後倒置一也

所注儀禮周官禮記范書無周官案司農周官注完善無缺世所共學而范書遺之二也爲父母羣弟所容者言徒學不能爲吏以益生產爲父母羣弟所含容始得去厠役之吏游學周秦故傳曰少爲鄉嗇夫得休歸常詣學官不率爲吏父數怒之夫父怒之而已云爲所容此儒者言也范書因爲父怒而妄加不字與司農本意相反三也至於易恭祖爲欽祖者金避顯宗允恭諱也孝存作孝莊者唐碑本行書石或剝落金時不省而誤存爲莊莊爲漢諱未有不避者其他異同與范書可互校正故急表而錄之以告同志鄭杳見宰相世系表北祖房官至婺州刺史劉朮亦見表彭城房官至汴州刺史

谷山寺碑

泰和元年五月立八分書篆額碑高六尺二寸廣二尺四寸在泰安縣東北谷山寺

右碑額題谷山寺記二行字徑三寸五分文及題銜凡十八行字徑一寸前翰林學士承旨中大夫知制誥上護軍馮翊郡開國侯食邑一千戶食實封壹伯戶致仕党懷英撰并書篆額案金史党懷英傳承安二年乞致仕改泰寧軍節度使明年召爲翰林學士承旨久之致仕碑書銜前承旨者是也蓋懷英終於是官故中州集以承旨目之向言勳護軍至是進爲上護軍傳亦未及之碑言寺之舊地西至於張遠寨此寨名不見金史地里志疑是村墟之名非有設官知寨故志不收也

黃相仰天山題名

泰和元年九月刻正書崖高二尺八寸廣二尺三寸在臨
胸縣仰天山觀音洞

右題益都府少尹兼山東東路兵馬副都總管安遠大將
軍黃相公口於泰和元年三月初十日因捕盜徧歷仰天
謁諸洞府見觀音洞澀道高數仞險口遊人難以登覽口
之兩邊欄檻口口口俸錢命工脩葺上下口百尺今已
工畢泰和元年九月初九日記口口住持傳法沙門口口
立石凡十行字徑二寸金史百官志諸總管府謂府尹兼
領者下有兵馬副都總管一員正五品所掌與同知同案
益都爲諸府不得與大興府同其署銜少尹又兼副都總
管志文未備也

錢塔寺殘碑

泰和元年刻行書篆額石高三尺五寸廣一尺二寸五分
在濟寧州城內

右碑額存一記字徑二寸五分文存八行字徑九分碑中
有房公慎終追遠句似係房氏所刻也

洪福院敕牒碑

泰和二年立書體詳後碑高七尺廣三尺在嘉祥縣劉村
右碑未見拓本據朱朗齋所錄存之額題篆書洪福院記
二行字徑五寸上層刻大定三年敕牒一道字體不等下
層刻記文三十行正書換書人名皆殘缺

夾谷璋等雲門山題名

泰和四年正月刻正書崖高三尺六寸廣六尺六寸在益
都縣雲門山陰洞

右題時孟春初吉退食之暇奉政大夫益都少尹兼山東
東路兵馬副都總管夾谷璋暨同僚武義將軍山東東路
兵馬都總管判官何景仁中議大夫益都府判官趙璧承
德郎山東東路轉運戶籍判官郭俱承務郎益都府錄事
完顏仲良懷遠大將軍益都縣令木甲良弼將仕郎益都
縣主簿完顏君佐明威將軍益都縣尉完顏邦用忠勇校
尉山東路統軍司譯書完顏禮祥山東路統軍司令史木
魯回長安意在班春因共登此山是日也天晴氣煦頗稱
登覽徜徉談笑飛觴舉白興盡迺歸卽翠炎以刻其事時
大金泰和四禩歲在子干屬閏逢正月八日謹誌凡二十
行字徑二寸五分

漢御史卜公廟碑

泰和五年三月立正書碑高六尺四寸廣三尺在鉅野
右碑篆額未拓上層刻贈墳地土公據凡三十二行字
大小不等公據大定二十一年下泰和二年給其稱前漢
功臣卜御史者元鼎中代石慶爲御史大夫也下層刻記
文凡二十一行字徑一寸前列將仕郎充會州軍事判官
兼提舉常平倉事張濬撰鄉貢進士孫世京書丹篆額文
依漢書卜式本傳而增損其詞惟稱式字子怡未審所據
也後書式二子名皆鐫毀長子名但有左旁虎字爲河南
太守次子彪爲水衡都尉下云公爲齊相子孫多在齊旣
致政將游于齊病終于此鄉人思慕同助其葬仍爲之立
祠曩經兵革燬大定初四十五代孫并吉任單州司候
判官將復營祠不成而殂其二姪海義率族衆成之漢書

載式以壽終今得此碑并知其葬所矣碑蓋叅之卜氏譜牒非盡無稽也

冥福寺補塑釋迦佛像記

泰和六年四月立八分書篆額碑高四尺一寸廣二尺四寸在泰安土地祠

右碑額題新補塑釋迦佛舊像記三行字徑二寸七分文十六行字徑一寸下截斷闕無撰書姓名惟有知制誥護軍馮翊字攷爲党懷英撰八分書古秀亦非承旨不能也
長春子谷山詩刻

泰和七年八月刻正書碑高七尺八寸廣三尺五寸在泰安縣谷山

道士谷山春日登覽

淡蕩春風暖暄和曉日遲寒裳登詰屈絕頂翫幽奇北海洪濤
闊南山大澤危東峯青鳥下西嶺白雲垂眼界空濛極煙光縹
緲隨精神何灑落道德自扶持髣髴丹青外參差碧漢涯那須
採芝術直赴上仙期

泰和丁卯中秋後刊

長春子書

右詩刻凡六行字徑三寸五分

郭僕等岱頂題名

泰和八年八月刻崖高二尺廣一尺一寸在泰安縣岱頂

唐摩崖之東

右題淺澤郭僕絳陽李思古滕完顏從正泰和八年八月
廿三日同登凡三行字徑二寸題名三人惟郭僕金史有
傳云僕字伯有澤州人大定二十二年進士泰和七年遷

山東安撫副使以題名案之正其爲副使時也

長生子遇仙園詩刻

無年月并陰俱草書石高五尺廣二尺在昌邑縣東南青石山遇仙園

右碑題遇仙園三字徑一尺四寸陰刻七律一首字徑三寸後跋正書五行已泐詩句但鄙故不錄碑無年月朱朗齋以長生子終於泰和之世故增泰和末

重脩舜帝廟碑

大安元年二月立正書碑高四尺二寸廣一尺九寸六分在泗水縣東南歷山舜廟

右碑篆額未拓文凡二十行字徑七分陳恕撰文劉斌書丹其文案帝王世紀具錄帝舜事跡自耕稼陶漁以至爲

帝內云窮蟬有子曰敬長敬長生勾芒史記五帝紀作敬
康勾望字以音近相通也堯字凡五見皆缺畫崇山崇字
下示作未案睿宗諱宗堯金史孫卽康傳上問卽康叅知
政事賈鉉曰睿宗廟諱改作崇字其下却有本字若依蘭
亭帖寫作未字云云卽康奏曰睿宗廟諱上字從未下字
從未是其事也但傳云作未而書者又於未字缺畫以見
當時曲避非盡由式也兄友弟敬依史記敬當作恭而文
若此者亦避顯宗廟諱允恭故也至前引漁子雷澤漁者
皆讓淵今史記作讓居疑唐之校書者避諱轉改淵作居
不如此文之質碑書娥皇作娥皇異文也都維那副維那
俱作維首亦與他碑別

鄭公墓記

大安二年四月刻并額俱正書石高一尺八寸廣一尺三寸在青州府城東北房家莊

右刻未見拓本據段赤亭益都金石志云額題鄭公墓記四字橫列徑二寸文十七行字徑八分進士牟仲勗撰并書

晁氏墓碣

大安二年十月立凡二石書體詳後在嘉祥縣洪福院後右石刻高七寸廣二尺四寸橫題八分書晁氏之塋四字字徑四寸右題古任陳度書左題年月存月一日三字俱正書又一石高一尺五寸廣七寸正書四行首行云故忠武校尉邢州宜川縣尉晁口道似卽墓中人也次行云時太安二年歲次庚午十月一日庚辰後二行殘闕

洞真觀敕牒碑

大安二年十月立書體詳後碑高四尺三寸廣二尺四寸
在萊蕪縣西北洞真觀

右碑額題正書洞真口觀四字徑三寸五分祇真字完好
餘殘闕上層刻嘉定元年勅牒一道下層刻記文行書十
七行字體大小不等末行題宋朝金主重脩洞真觀碑起
宋寧宗庚午至大明萬歷癸卯共叁伯玖拾年重脩據此
則金碑已佚明時重爲刻石武虛谷以碑中有宋年號冠
於本國之上又直斥金主之諱疑其不應如是由未見明
人題字耳

石佛寺改塑佛像記

大安二年十一月刻正書石高八寸廣八寸二分在淄川

縣石佛寺

右刻文八行字徑一寸

東鎮廟禁約碑

大安三年七月立并額俱正書碑高四尺五寸廣二尺三寸五分在臨朐縣沂山東鎮廟

右碑額題律令禁約樵採東鎮廟界內山場之碑五行字徑一寸八分文凡二十四行字徑八分文多殘缺以意約舉讀之蓋緣東鎮沂山舊有斫伐山場樹木因本律令禁約給付東安王廟仰知廟道士及廟戶人等一同收執又稱律節文內有應禁處所而輒採伐拾貫以下杖六十拾貫加一等罪止徒一年此金時律文世勘與聞矣碑下截有記一層漫漶更甚最末結銜穆陵關捉□□董孝忠

金史地里志穆陵貞祐四年四月升臨朐之穆陵置是穆陵
舊爲關至貞祐始爲縣故大安中此碑猶於穆陵置員據
此則志文當云升臨朐之穆陵關置今志脫關字于文爲
不備關有捉□□其缺文依福勝院牒滕陽軍設捉殺
盜賊官此關亦與同也百官志未見此文可據以補遺

興國禪院勅牒碑

崇慶元年刻書體詳後碑高二尺廣二尺五寸在濟寧州
兩城山興國寺

右刻牒文草書題銜年月俱正書大小不等

彌勒像贊石刻

貞祐元年四月刻凡二石尺寸字體詳後在鄒縣天齊廟
右石一高二尺二寸廣四尺四寸刻彌勒像右手執袋左

負杖旁題篆書先師宣公大師之口二行字徑二寸五分
又彌勒頌四句真言三段及題名年月六行俱正書一高
一尺三寸廣八寸刻彌勒像同前左題口口貞祐二年四
月日一行正書徑五分此與上興國寺碑俱從朱明齋所
錄存之未見拓本

王虛觀碑

貞祐二年五月立正書碑高一丈九寸廣三尺九寸在寧
海州聖水岩王虛觀

右碑篆額未拓文及題銜凡二十五行字徑一寸三分記
爲朝散大夫前中都左警巡使賜紫金魚袋國僞撰金史
列傳有國用安淄州人金末時多戰功僞似其族也書丹
者文山進士王良臣篆額者州學進士范景純文頗詳贗

有法書體皆蒼勁道觀中佳刻也

濟州刺史李演碑

貞祐四年八月立正書碑高六尺四寸廣二尺九寸在濟

寧州學

大金故應奉翰林文字贈濟州刺史李公碑銘并序 朝列

大夫口王府文學兼記室叅軍騎都尉賜紫金魚袋臣崔禧奉

勅撰

翰林直學士口口大夫知 制誥輕車都尉天水郡開國伯

食邑口百戶賜紫金魚袋臣趙秉文奉 勅書

尙書省令史承直郎雲騎尉賜緋魚袋臣潘希孟奉 勅篆額

勇而易發此强悍者之喜爲也然臨難畏死者有之柔而不武
此仁賢者之常行也然見義捐生者有之蓋人之忠節皆繇心

理取舍之□□在虛辭氣之強與柔也○居之時從容自許至
於行義之美孰不有是言哉負勢而直往肆忿而輕死真但勇
也倉卒之變惑□□□身毀節向之剛猛皆虛氣所使安足
恃哉其有天資純固涵養正理眴然常有溫粹之容低首歛
氣退然似不足者不幸而與禍會則明誠審決義不內顧雖狂
鋒虐戢樂□□就是豈前弱後勇哉惟其所畜之深有激則奮
必將絕世驚俗凜然爲天下之英烈是可重也然則節義者士
之所素學以爲□教大法豈若世間淺淺□□苟合偷生者耶
其爲有國家者之旌賞也宜矣粵貞祐之初兵久不解虜騎南
下攻圍係戮肆毒侵淫二年正月至於濟郡人李演以前應奉
翰林文字□□居此因之□□者爲備禦三日虜不能得併召
其黨大集□城下勢不敵城陷公被執被固疑其衣冠也曰若

非李應奉乎蓋虜中素聞其名意欲得而使之也口口問曰然
虜喜使之跪曰大官可得也公曰我進士第一人重有祿位汝
何禽畜吾豈爲汝使哉賊忿擊其脛碎之終不屈繼中以刃至
死猶罵云嗚呼口哉是豈仁者之真勇與已而虜退

朝廷遣使宣撫山東廉得其實 奏請加贈

上意矜恤隱口濟州刺史之章仍令勒碑致祭淵乎聖慮其知
所先務矣惟平亂定難在曉人以逆順之理而起其忠義之氣
今賞典首及死節之士其於驅策將士深得口口舞之術也臣
禧承

命拜手爲之銘曰

君子所守 唯義之爲 威武不屈 死生不移 世教舉此
以爲常理 此而不知 安足爲士 英英李公 初以文稱

循常謹甚 衆未謂能 孰知其中 慨有事在 志吞萬兵
氣蓋四海 胡雛雖驚 甚翫而輕 姦鉄雖惜 視之猶生
高節終完 素心不愧

聖主知賞 忠魂尤慰 鉅野茫茫 黃流湯湯 樹碑其側
名與之長

昔貞祐四年歲次丙子八月一日口信校尉濟州倉草場都監
權司候字木魯 監修 奉國口口濟州刺史兼知軍事提
舉河防常平倉事廣平郡食邑 戶護軍統石烈 立石

右碑篆額未拓文及標題年月凡二十二行字徑一寸案
金史本傳李演字巨川任城人泰和六年進士第一官應
奉翰林文字丁憂里居值元兵圍任城墨衰守禦不屈死
年三十餘時詔有司爲立碑今題銜撰書篆額皆云奉敕

者此也後列銜李本魯紇石烈二人氏而不名其云濟州倉草場都監察百官志草場使防刺仍舊置都監一員濟州中刺史也草場設都監與史台而以倉并于草場則史未載也

東嶽行宮碑

無年月并陰俱正書碑高五尺二寸廣二尺三寸五分之
青州府城東嶽廟

右碑篆額未拓文及銜名凡二十五行字徑七分權益都府教授王大任記鄉貢進士口從口書丹郡人布衣王守中篆額文辭俚鄙惟書體尙屬端整段赤亭云碑無時代但曰庚寅李南澗謂以官制考之知爲金碑青州金爲益都府元則稱益都路金有兩庚寅一爲大定十年一爲正

大七年據碑戎馬爭馳帑藏空虛等語乃國勢愈蹙之時知爲正大庚寅無疑閭某以城破迹陷驅虜蓋指李全父子也碑陰剝蝕殊甚存字十三行皆建廟塑像及物料施主姓名後增元人題字四行稱大朝壬寅乃元初未建號時也

趙世顯等殘碑

無年月八分書石高一尺五寸廣一尺在濟寧州東門城上

右殘碑未見拓本朱朗齋云存字八行文內祇列銜名別無事蹟可攷似係修建剝廟之碑陰也銜中稱東平府爲宋金時所置因列金碑之末